

華東稀見方志文獻 第十九卷

中國華東文獻叢書



中國華東文獻叢書·第一輯

華東稀見方志文獻

第十九卷

甘肅省古籍文獻整理編譯中心
中國華東文獻叢書編輯委員會
編

甘肅省古籍文獻整理編譯中心重大整理項目

本輯主編：倉修良 高國祥

福建部分主編：方寶川

副主編：陳旭東

本卷目錄

舟山志	〔天啓〕何汝賓彙輯 邵輔忠訂正	〇〇三
烏程縣誌	〔崇禎〕徐守綱編輯 潘士遴彙次 徐樸校閱	一一七

【天啓】何汝賓彙輯 邵輔忠訂正

舟山志

〔天啓〕《舟山志四卷》，明何汝賓彙輯，邵輔忠訂正，天啓六年（公元一六二六年）刊，舊抄本。白口，無魚尾，四周單欄。半葉九行，行十七、十八字不等。

何汝賓，生卒年不詳，茂苑（今江蘇省蘇州市）人，時任廣東等處地方左軍都督府都督僉事。邵輔忠，字廣益，號上葵，鎮海（今浙江省寧波市）人，萬歷三十三年（公元一六五〇年）進士，歷官兵部尚書、大司馬、太子太保。卷前有邵輔忠序文，卷後有何汝賓後序及跋文。

舟山志序

志者古史之流也自正史而外有以偏方為記者如劉知幾所稱地理當以常璩華陽國志盛弘之荊州記為第一有以一言一事為記者如劉知幾所稱瑣言當以劉義慶世說新語第一其餘若王粲漢末英雄崔鴻十

舟山志序

六國春秋葛洪西京雜記虞預會稽典錄皆能以偏師小乘獨當一隊搞筆撫窠成一家言舟山舊無志志之自今副戎何公始在今令甲舟山特定海東北維屬隸地然攷按圖經舟山在定海未立縣時業先啟土名為翁山縣已復改為昌國縣與定海並

隸已又陞為昌國州今雖陵谷遞遷輿圖非舊然而其先所建置規模馮藉必有千載不可第廢非若他屬隸地可土苴殘藩蔽之者志烏容已也乃何公之孝尤有遜於是者定邑為西泚咽喉而舟山寔為定邑門戶倭夷貢寇道所必由夫兵家始計即以

舟山志序

遠近險易廣狹死生屬之地而地形九地等篇疊々致意不一而足自公有此輯而鎖鑰茲土者足不歷而境而海天巖險燦如列眉洞若觀火雖無事而款壺尊俎常有烽烟鉦鼓萃于目前即有事而帷幄折衝不難以風雲魚鳥措誅抵掌進可御樓船

以戰退可設席落以守所為大有裨
於疆場至計備禦方畧寧淺斯執至
若濱涯僻壤龜荒魚鼈之興靈而盡
黽之與同階雖極掘拾其文采不足
表見于世則其時與地實限之昔人
有言子長不絕也其書絕矣西京以
還封建宮殿官師郡邑名不雅馴其

舟山志序

詔令辭命奏書賦頌鮮古文詞故雖
千載後有子長不絕成史記而況其
他乎然就其哀集既成心力亦殫以
備故寔以憲將來裨官藝說亦有頗
可採者仁必諷聞廣記乃稱鴻筆哉
而況公之意固在圖迴宇宙於掌上
更有識其大者在也敬書之以弁首

簡

賜進士第贊治尹中議大夫通政司
左通政邑人邵輔忠撰

舟山志

舟山志目錄

卷之一

輿地

疆域

官制

卷之二

山川

學制

閭里

倉儲

災祥

寺觀

卷之三

宦蹟

物產

卷之四

藝文

沿革

城池

兵防

風俗

公署

田賦

舟山志

戶口

祀典

選舉

人物

目錄終

舟山志卷之一

通政司左通政邑人邵輔忠訂正

寧紹副總兵官茂苑何汝賓彙輯

輿地


志必首輿地在它郡邑乘所紀載祇以列方隅侈形勝示游覽控馭之規而已舟山則不然易曰地險山川丘陵也蘇季寔云秦地被山帶河四塞以爲固此所爲天府天下之雄國田膏曰山河之險形勝之固秦得百二馬



舟山志

齊得十二馬則輿地所繫可知矣舟山懸居海中四面溟泮定海爲寧波東維下邑而舟山尤居東之東若邑乘所記浮吳會達甌閩中翼於省會而控扼其門戶卽定海與舟山共之而舟山尤與三韓日本縹緲咫尺若一望可到故按圖而窺四履則中外華夷之防截如也分兵而界汎地則攻守奇正之道井如也建牙以壯彈壓則儲胥虎豹之形屹如也左氏稱夏方有德貢金九牧鑄鼎象物使

民知神姦故民入山林川澤不逢不若魑魅
魍魎莫能逢之今圖所著列亦何以異是俾
後來守土諸臣咸世世得奉揚
聖明安懷威德使
國家寵靈重於九鼎大呂者此也

舟山志





然相去遙遠嘉靖時王直輩曾自岑江登岸竊據蘆花畧結巢北則柯梅白泉大畧釣嶼等地而柯梅亦曩時倭夷蹻踞爲巢穴所當在在嚴防者也蓋舟山周圍皆海賊舟無處不可登崖而東之沈家門切近烏沙門去普陀不遠一望海洋浩淼無際島夷相連嘉靖乙卯夏倭船百餘隻突犯普陀而入據之遂至東陲鼎沸及徵兵七省費金錢四十餘萬幸而撲滅皆歸平日無備致此禍患實南北兩洋扼要之區爲舟山最衝險之地宜設重兵

舟山志

舟山古邑沿四面環海東接普陀桃花南連崎頭橫水西接長白馬墓北連長塗劍山自所城至東塘頭烽堠程一百里至南舟山烽堠程三里至西碇礮烽堠程六十里至北干礮烽堠程三十里其地之險者東則塘頭螺門一帶地勢遼濶而塘頭極險逐利者常於此處勾引盜艘南則曹山謝浦梅家塾螺頭天童密邇所城關係匪輕而梅家塾直對曹山大洋倭奴曾經入據西則岑江碇礮大沙小沙干礮馬畧一帶地形廣遠雖有馬墓兵船

衝險詰戎兵禁勾引庶奠金湯於有永矣

舟山志

以守之今察將標下官兵分派三信一時有警策應不前深爲可虞按地之極衝者沈家門誠重矣而漸出塘頭亦正不輕皆昔倭奴流突之處今屬盜賊窺伺之區次衝者岑江碇礮二處塗淺易登入犯爲易且自蛟門至橫水崎頭等洋海面四達均宜設兵船防守夫定邑爲寧郡咽喉而舟山爲定邑門戶據外正所以安內舟山固則定邑固定邑固則寧郡以達紹郡俱固有地方之責者不可不深長慮也嗟乎地無險易因人而險易惟扼

安石宰縣憫其繁劇故分之元豐元季復益以定海之金塘鄉共四鄉爲下縣而明之屬縣凡六矣紹興十三季戶部員外郎沈麟編類籍戶計萬餘而丁口再倍建炎中高宗航海舟次昌國縣金人自明州引兵攻定海縣破之遂以舟師絕洋犯昌國縣欲襲御舟至崎頭風雨大作和州防禦使樞密院提領海舟張公裕引大船擊散之虜乃去元至元十五季陞爲州至正十八季爲方國珍所據國朝洪武二季改州爲縣十二季立昌國守禦千

舟山志

遷其民於內地夷縣爲二所帶屬定海縣噫信國是舉與我

皇祖改州爲縣增立衛所之意不亦天淵也耶撫今追昔廢興因革之數豈其微矣

舟山志

戶所時明州衛守禦千戶募成立地五百丈未竟次奉指揮許友展跨鰲山成之洪武十七季我太祖以東南控海之地乏兵以守恐致寇害命設衛所及岑寶螺岱四巡司隸於縣兵民又安教化流洽海東一隅規模宏遠誠駕宋軼元爲我明邊陲捍禦於以觀

皇祖撫御鴻猷建於不拔孰不願循此以往世世無改哉迨二十季湯信國奉

詔處置地方據画到各所在地圖革衛縣學校而

疆域

周禮保章氏以星野辨九州之土封疆所屬雖分廣狹而幅員各有可觀舟山孤懸海中倭夷貢寇道必由此寧不為衝險哉然憑要害以控番寶蛟關之保障也兵家地形之說可弗講乎蒞茲土者申畫郊圻慎固封守當圖籌海之長策矣

東西五百里南北三百里昔人云海面際天本不可以里計也

舟山志

舟山舟山約一百四十里至普陀

定海關南約三百里至昌國青門青門東約一

百五十里至韭山青門南約二百里至牛欄基

牛欄基約一百里至金齒門

定海關北約六十里至烈港烈港約百里至兩

頭洞西頭洞約二百五十里至羊山

舟山志

東五潮至西莊石馬山與高麗國分界

西二潮至蛟門與定海縣分界

南五潮至隆嶼與象山縣分界

北五潮至大磧山與蘇州府分界

東南五潮至韭山與象山縣分界

東北五潮至陳錢壁下與海州分界

西北三潮至灘山與嘉興府分界

附水程

定海關東約六十里至金塘金塘約九十里至

城池

王公設險以守其國蓋言高深之可恃也方城漢水楚號雄都渚清昆池漢稱堅壁宏惟我

明爰重維城翁洲縣居溟渤土宇不廣然因山爲壙就海爲濠所以固其圉者非守土之責歟舊邑曰翁山宋志云縣城周廣五里熙寧六年析三鄉益之改名曰昌國始築城鑿池至元中陞昌國爲州自宋元以來倭夷微弱不足爲患畊漁之

舟山志

信國公徙衛於象山縣之東存中中左二千戶

所屬定海衛華縣存民五百餘戶屬定海縣

勅命總帥居守永樂十六年都指揮谷祥以地衛

要重加修繕正統八年戶部侍郎焦公宏以城大

兵少裁東北隅半里今廣四里半濠隨城廣城門

凡四門各署名南曰文明濠橋外木柵曰迎恩東

曰豐阜外木柵曰賓陽西曰太和外曰西安北曰

永安外曰北固西北跨鎮鰲山東抱霞山餘皆平

陸嘉靖四十年都督盧公鏜海道譚公綸增築敵

舟山志

民惟知供賦各安其生

國初夷氛漸熾我

太祖絕其朝貢嚴以備之洪武二年增葺昌國城

池改州爲縣設立衛所練兵恤民以固封守城高

二丈四尺址廣一丈周圍一千二百一十六丈延

袤五里闢東西南北四門門各有樓穴水門於東

南各置吊橋羅以月城城之上有雉堞二千六百

七十三警舖六十外爲濠自東南及西一千二百

六十丈北際山不設十七年改昌國衛二十年湯